



道園學古錄卷之一

在朝藁一

雍 虞 集 伯生

賦

別知賦送袁伯長

余忽忽處此之無故兮幾偃蹇以自窮
逝歛裳以遐征兮抗九霄之雲風
頽三辰之徘徊兮違後古以為期
何夫子之張侯兮亦踉蹌而在茲
于嗟乎世德之浩浩兮取謂人以不賢
陳珮玉於交逢兮被徒輿以瑤環
設厚顏之爵沉兮孰敢即問乎津涯
發疾叫于啞嗌兮眾披靡而莫支
夫治倡之狐惑兮豈不足於內揆
顧西子之蓬垢兮益返忘兮故意惟前
聖之無悶兮老氏亦貴夫知希顧源薄
之多懲兮猶慷慨而尚辭余固將去此
而無悔兮念夫子之與我日進余以不
及兮又證余以其可余嘗究往來之為
道兮論因革之為權莫或

知其漢落兮子獨謂其固然庶父子以自輔兮克有聞以時
行忽先我而南駕兮殆若爲乎余情迺歌以送之曰長江渾
渾兮春多浪波白日耿耿兮擊楫爲歌天薄我賦兮非以病
我于嗟兮昔之盛者何其多

古劍賦

吳季有劍古所服兮先時利行後伏匿兮歷世千百神物來
兮精英上浮久乃識兮截截屢屢至理反兮質化光泯黜正
黑兮匡視白日澹欽色兮燦人鬚金石水泐兮終古不磨奇
雄特兮勿襲勿試靈具戒兮鬼自睽睽頭鬢鬚兮竊擬窺之
自造慝兮靈怒煙女不女貸兮神宮無人帝湛默兮季冠如
山采衣翼兮長身好脩又正直兮稱是容佩有加飾兮魚室
珠繞雜文織兮虞于帝傍順降陟兮握奇中運授神職兮旋
陽制陰物不忒兮辟却百非五兵息兮大宰不刷完以爲德

方變窮于傳填無極兮

畫於木賦

夫誰畫此枯樹兮臨不食之散泉既偃蹇又嚙食兮骨岸岸
以弗妍想執筆以極思忽機釋而神旋遺衆壞於斲有勒不
毀之所全或聖去於斤運或石勑於溜穿泮無雨以如晦悅
非規而能圓澹歟乎其既失旋蒼然而在前命以物而不可
孰春秋而論年噫吁嘻被革以毛膏慮用丹皆爲流眩願常
注次獨何爲托寂寞於無意而刻畫其不傳者邪

木齋賦

奎章閣藝文監秀才方積昔在匡廬讀書羣木之間謂之木
齋余愛其高秀而賦之其辭曰
夫何砩砩以峯峩兮據積水而鬱盤盤有榭楠與豫章兮翳松
柏之九九攬芳草之盈庭兮聽吻吻之鳴鹿濯余纓於滄浪

芳沐余髮平飛瀑余潔清以有待兮歎望之而彌高絰余駢
以弗駝兮氣絳薄而心勞感春物之芳苞兮又晚實之不食
更千歲其未已兮退自脩乎茲室

操

思魯琴操

龜山之陰陰兮有雲垂天河目而海口兮將見其人望之彌
尊兮即之彌親大音寥寥兮中信而真

此亭水言

古詩四言

味經堂詩有序

國子祭酒魯公伯子暉父作味經堂書自為記以勗其子
遠公嘗命遠從子遊故賦此詩

維昔玄聖有子過庭學禮學詩詔之丁寧面墻之室絲不知

味親能使學不能使嗜觀于德音詠歌周旋實悅
我心邈乎千載聖往言在舍而不求匪罔斯殆畏友輩父窮
經篤行既有諸躬思貽厥成既營既奮俾稼之食既收既漁
俾鼎之實作堂高明曰子遠來吾經在茲遠其味之知予虛
羸匍匐來食茹草飲水以禦朝夕窮人得歸自我父師俛焉
斯文老至不知煌煌靈芝如彼嘉玉薄言采之在彼中谷南
陽之人來詹來言君子宜弟宜其後昆

題宋誠甫侍郎垂綸亭

岷源建高駛無游泐漢會其委安流滔滔有君子垂綸其
下雖不得魚意甚閒暇援藟引楫至于中沱蔭樹以休悠悠
求歌逝波沅沅不轉維石樂茲忘憂矢言不食烝然雲興風
舉以高駝翔中天遺景九臯木其落矣魚亦潛渚瞻言固好
除于風雨風吹衣裳彼為栖栖行吟望子寔勞我思山有榛

棘河有鯉鯉宜其飲泉必冷之美君子冠純秩秩大經河有
清酌可以濯纓

高彦敬青山白雲圖

兩崖之間曾不容舸白雲悠悠與山俱高

趙忠簡公祠堂詩

皇元至順三年春解州聞喜縣學用禮部符祠其鄉先生
故宋丞相趙忠簡公公六世孫國子博士贊翁求虞集作
迎送神詩

山河邈悠宗國為虛騎箕來歸懷此故都鳴梟在樹飢鱷在
渚闕宮不存公食無所董澤之陂有蒲與荷子孫具來式燕
以歌瞻彼洛矣其水泱泱斯文在茲俾也可忘

秦檜既貶趙公於海南隨使人逼殺之公臨終從所寓
寺僧志素吊一古書其上云身騎箕尾歸天上氣作山

河壯本朝以付寺僧而絕聞喜之董澤公鄉也

賦衛節婦王夫人

汎汎淇水岸有佳竹閨門嚴嚴樂爾貞獨泛泛淇流岸有松
舟闈門閨間樂爾貞幽汎汎淇右有堂孔阜娟娟貞幽肅肅
看壽淇原有泉可濯可浴尊樂爾高年高年樂止亦
有孫子式歌衛風以告國史

題學易齋其人將詣孔林

惟學易君子慎其齋居動息有符起處是於奇耦玩畫方貞
視圖書循靜始夜根動初罔不在中日居月諸乃秉元化以
時盈虛共惟玄聖啓我後愚載瞻巍巍魯林鬱如

古詩五言

護草生竹間

護草生竹間翠色相綢繆美人欣有託君子故忘憂昔聞有

鳴鳳飲水來丹丘不食衆木實樂只淇園秋

高竹臨水上

高竹臨水上幽花在屋陰以彼貞女姿當此君子心春陽不自媚夕露忽已深湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何宮墜牧馬草上露吹笳沙際風帳中忽聞鴈傳令鼓雕弓

書上京國子監壁

神京極高寒幽居了晨夜雷風無時發零雨每飄灑炎光不到地蕭爽度長夏大化溥無宰宜必事陶冶揚雄不曉事守道栖栖者玄經百無微白髮護盈把

至治壬戌八月十五日榆林對月

日落次榆林東望待月出大星何煜煜七角在昂畢草樹風

不起蛩蛸絕啁啾天高露如霜客子衣盡白言駝駝餘棧發
婦泣幽室行吟毛骨寒坐見河漢沒驛人告晨征瞳瞳曉光發

憶三十年前與元復初叅政同賦秋日梨花元有句云朝食葉底梨莫看枝上花花開食實後霜風振長柯遠水良之云

李老谷

朝食葉底梨莫看枝上花花開食實後霜風振長柯遠水良可鑒彩雲亦易過念爾白於雪日莫當如何

十轉山崦交九度沙磧溜始辭平漠曠稍接山木秀老病畏行役慰藉得良觀秋嶺晚更妍寒花晝如繡故園夫如何朝陽眩霜袖

泰定甲子上京有感次韻馬伯庸待制

翰音迎日穀儀羽集雲路寂寞就書閣老大長郎署爲山望
成岑織錦待盈度我行起視夜星漢非故處

賦水木清華亭

中流泛蘭柁望彼嘉樹林落日蕩野水浮雲生夕陰游魚戀
芳藻好鳥鳴幽岑爲樂恐易老吾將脫朝簪

天曆戊辰前續詠貧士一首

目昏畏附火枯坐寒窗中破褐若絮重虛豆兼冰崇病骨於
此時浮屠屹撐空呼兒檢餘曆記日待春風雖欣解凍近翻
驚紀年窮貫酒欲自廣無錢似陶翁

又一首畝舍弟見和

蜀侯昔罹憂嶺海萬死中詩書庶不泯焉思祿位崇爾來五
十年所以恒屢空涉世惟信道卓然立類風漫仕非我能偶
貧山豈人窮深耕定有穫歸嘆兩衰翁

後續詠貧士四首

老骨寒不寐夜長况聞風心悸危欲折踣踏敗絮中鷄鳴當
晨參馬疥芻不充山童衣百鷄喚之愧匆匆求火掃木葉庭
樹亦已空決起不敢怠曙光屋南東苟遂牛馬性歸放春草

豐

歸蜀越關隴棧閣危登天適越河濟隔堰水文尺間飢寒迫
日暮舟車計茫然東家有一叟欲去初不言早朝聽詔畢喚
馬閭闔則童奴受宿戒向暖爭相先聞之嗔兒子我何爲汝
牽屨無千金賈吾足安暇憐

爲政貴察色讀書在研覃司視既不明兩者無一堪尚不遑
吏責爲師固宜慚聖世無棄物况茲夕朝替决去豈我志知
止亦所諳頗聞南山下菊根浸寒潭濯餅千日期冰臚復清
涵老馬果識道更服墮車駝

天風夕號怒霜日殊清妍探架得古書前日手所編奈何視
茫茫字若萬蟻綠精意成寂寞惆悵還棄捐於惟仲尼衰清
夢不復然小子未聞道何以卒歲年

觀花有感

掛巾花樹枝酌酒花樹下風吹巾上塵花落手中筆清唱起
相壽毋遽且聊暇流光急去人莫怪行樂者

赤城館

雷起龍門山雨灑赤城觀蕭騷山木高浩蕩塵路斷魚龍喜
新波燕雀集虛幔開戶微風興倚杖衆雲散

同閣學士賦金鴨燒香

黃金鑄爲鴨焚香夕殿中窈窕轉斜月逶迤動微風綺席列
珠樹華鎿連玉缸無眠待顧問不知清夜終

退直同柯敬仲博士賦

月下白玉階露生黃金井踈條栖鵲寒衰蕙流寒冷戀闕感
時康懷歸覺宵永晨鍾禁中來白髮聊自整

送良上人賦得井上桐

桐陰秋轉薄井氣曉爲霜交柯舞幽鏡墮葉響鳴璫高巢翠
羽下澄水玉翅藏上人從定出行吟繞石床

送吳子高

懷寶獻京國悼亡最獨歸日落雲中樹風吹江上衣湘靈瑟
在席織女石支機遠道多寂寞強飯勿相違

于仲元舍賦紅梅

白雪不成夜丹霞遂崇朝妙質承日映飛英向風飄醉來紅
袖近歌罷絲雲消楊州問何遜何似董嬌嬈

寄題新治亭

窈窕治亭莫蕭條江南秋泛覽山河外張樂鳳皇丘公子飛

翠蓋美人回綵舟從茲至黃髮樂哉以忘憂

題僖耳東坡載酒堂

翳翳僖耳城歷歷梳榔樹百年遺故丘新堂設賓昨清風海上至朝陽在庭戶丹山五色鳳覽德屢來下甘辛熟桂酒羅列雜諸韻符黎多孫子食飲祭先具蛟龍波浪深歸來風雨除

鑿井得甘泉渴者恒自私流潤不擇地委順復何疑海南絕風雨水木况華滋隣舍解讀書諸生還誦詩何必懷故都聊樂宜在茲星河度白鶴山月懸蛾眉來晚去何速勞人千載思

盜發亞父塚塚上有盜謀得氣於亞

盜發亞父塚寶劍寶累之塚開寶氣盡獄吏書次毋辭盜言惟見寶志寧知亞父誰項王不相信弟子遂輿尸黃腸下深銅

歲復何為大河繞城東落日在城西過客立城下踟躕望安期

應制題王肅畫吳王納涼圖

雨過太湖上風生響屨廊紅綃拂几席白紵製衣裳朱光淪厚地明月在高堂何以保玉體長年樂未央

步虛詞四首

步虛長松下流響白雲間華星列耀火明月懸珮環肅然降靈氣穆若愉妙顏竹宮愔清夜望拜久乃還

稽首望太霞離羅間層霄網緼結冲氣要眇出空謠前參千景精後引務猷收攝衣上白鶴招搖事晨朝

朱光出東海高臺迎赫曦六龍獻陽燧九鳳保金支鍊丹軒轅鼎濯景崑崙池拜賜冰玉佩玄洲共遨嬉

學仙淮南王問道劉更生三年鍊神丹九載凌上清日月作

環珮雲霓爲旆旌回首召司命靈雨灑蓬瀛

題商學士畫

方士好服食商山多紫芝采之長松下濯以清澗漪滄涼百
里內秦皇都不知駕舟載男女築宮東海涯

贈藝監小吏

廣術何迢迢榆槐陰蔽之鼓鍾晨莫起車馬中間馳此有發
居者閉戶教孤兒十歲學文史十五從吏師丹青出天性落
筆有今姿藝監取材伎小大無一遺署兒莞庫下祿薄不足
爲手持一束書求以慰母思告兒勿薄吏公卿出自茲請看
孟氏里軻母自有祠

記子昂畫

春風動蘭葉庭戶光陸離言收竹上露石角掛練衣車行不
擇路若茲何楚楚遊子憺忘歸徘徊歲云莫

送西臺治書仇公哲

陝郊得時雨生意始來復存者事稼穡還者葺墻屋安知凋
祭餘政可致新福闢除正廣術區井表深瀆均齊定恒志忠
厚保敦篤豈無憂出仕受仕在芻牧爲義苦多違好名常不
足治書肅將指善類庶有勗

送張道士歸上清

白雲盱水上自古多仙人手携綠玉杖頭戴白綸巾袖中出
風雨天上禮星辰歸來庭戶靜芳草自生春

日出行

日出上城府日莫當蚤歸城門已擊拊出郭何焉依下馬投
館人空垣月當寐涼風振庭樹巢鳥屢驚飛起坐搔白髮忽
如霜草穉周公不復夢仲尼故沾衣老萊有孺色傳聞惟食
薇求之事已晚徘徊行道微

贈治冠者

車馬入隘巷言尋治冠師反關不受客高坐哦書詩布衣不
掩脛晝食甘藿藜冠成動經歲不售亦不辭我少好文章把
筆無不為愧爾愛寂寞慎與當自茲

贈馮真修士明

佟郎居上京闕人如風花拈筆寫其似千歲留英華亦來七
十年將相紛在目來者有如此往者那可續昔我初北遊面
白鬢如鴉點染煩紛墨華星映丹霞今如雲中松苦硬雜蒼
白却視當年容邈如不相識不識當如何臨風且長歌黃雲
接河漢白雪漫陂陲乞身願歸老兵蜀山總好贈君千黛螺
翠色秋可掃

寄陳衆仲助教上都作

學省足清晝詞垣驚蚤秋美人隔河漢落月在高樓持衣未

成曲吹笛不勝愁還趁鳩鵲觀別製鷓鴣裘

贈鐵菴道者二首

昔遊雲臺觀山色上衣青松花春雨落栢葉秋露零飢來煮
白石睡起看黃庭人間忽已老莫問少微星

海上別妻子山中求伏苓白虎戲玄渚蒼龍護黃高燒香招
五老行厨庖六丁從子似非遠丹霞聚華星

題商德符華山圖

昔祠雲臺館行穿御階栢夕陰嵐氣深重碧照行客獨訪張
超谷漸覺巖險迫冰生玉井頭日射仙掌側豈無鐵鎖懸翻
身若飛鶴忍煩華陰令不奈昌黎伯王事况有程車馬何忽
忽心流觀終南山周覽天府國亦來十七年欲往不再得山河
想邈悠傷殘轉蕭索摩挲商老圖彷彿希夷宅高哉蓮華峯
白雲澹秋色

寄幻庵主者

朝遊武夷麓莫入匡廬岑放舟臨野水采藥過幽林清泉磨寶劍磐石鼓瑤琴臘月歸溪上還作蚤春吟

賦茅山道士雲松巢

昔年李太白廬山思結巢雲自天上和鶴止松梢道士滿閒遠高居古大茅誦經門卧虎看劍石眠蛟飛步脫鳧鳥長吟吹鳳苑九江攬秀色許爾作神交

酬上清道士鈔陰何詩

殘雪松上落輕冰硯裏生寫詩過夜半欹枕又天明少陵惡何遜太白似陰鏗不愁勞弱翰亦足助高情

題李漑之學士白雲半間

山中多白雲何由到城邑招之恐不來欲攬還無迹栖檐候晨七納牖作秋色用冲不為盈常住寧若客分張任蒼松散

落還白石日照香廬峯月射仙掌側有恩封一鄉與子當共食

題浴日觀

煌煌赤老鳥三浴乃出海波濤始是滌宇宙破冥昧西登泰華顛東望方丈外稽首希夷翁今晨良慶會

為范尊師賦雲林清遊

大茅千仞下結屋三四楹雲林六牖潤鶴去海天平坐上發長蕭人間聞玉笙斲苓春霧重暮火木晚烟輕綠室噓丹氣蒼崖受日精樵遺伐木斧真降引電旌九鼎金還就千齒樹不傾問誰解居此云是范長生

吹笛圖

白雲悠悠去長松披高丘匡坐吹笛人似是馬督郵飛鴻遺哀響幽泉發春流女樂亦何有消搖以忘憂

送甘以禮調官歸鄉

甘君有良材於政無不宜白頭郡縣下尚覺非所施奈何筦庫冗而可絀吏師豈直名吏師積學本書詩高情抗浮雲廉節濯清漪君子安所遇固無喜愠辭嗟我忝從官簪筆恒殿帷竟無國士薦徒稱故舊知晚歲向田里藜杖相追隨尊酒以怡老未爲負明時

送李彥方閩憲

文監李公彥方出貳閩憲同朝羣公皆賦詩以爲贈彥方屢擢臺職激揚之宜有不待三言者適有一事深有感於愚衷先正魯國許文正公實事章程朱之學以佐至元之治天下人心風俗之所係不可誣也近日晚學小子不肯細心讀書窮理妄引陸子靜之說以自欺自棄至欲移易論語章句直斥程朱之說爲非此亦非有見於陸氏者也

特以文其猖狂不學以欺人而已此在王制之必不容者也閩中自中立之歸已有道南之歎仲素慮中至于元晦端緒明白皆在閩中不能不於彥方之行發之去一職更治一弊政不如此一事有以正人心儒者之能事也集即病目青尤甚援筆書此云

七閩去天遠顛連苦無告牧人受深寄昧者覆爲暴犀象雜金貝饑渴劇飲膏大言相鄙夷鬪奪心自校豈無循廉吏實病黑白撓聰明屬流弊聽榮資所到李侯金閩彥圖史擅離校晨聞大夫奏夕理武夷棹君子慎修職寧滿豐廩稍蕉荔甘多毒薑桂老堪筆所懷延平翁揚休似明道授受有源委精微足深討言立聖如在表正愚可造師匠久不興真妄如枘鑿云何謂支離肆誕長亮傲異言古所誅末學是深悼閩雖在海隅前聞此淵奧正誼從簡編良俗宜善導贈言不及

它持此永爲好

題鄭秀才隱居

陶翁昔好菊荒徑不暇鋤素琴初無絃名酒亦屢虛雖有二
三子薪水不讀書淒涼千載下高名將焉如不如鬼谷洞鄭
子樂有餘種菊以爲田田中更爲廬善藥不二價詠觴送居
諸有子揮五絃涼風在庭除時來青田鶴亦出淺梁魚昨者
遊京師侯門曳華裾捧檄忽一喜翩然告歸與芳蒲采甘露
玉漿釀清醕老父坐堂上稚子具籃輿晨遊南山墜暮濯清
水渠席間撫倚蘭房中詠關雎以此得高壽何必南陽居

題朱郎竹木

猗猗淇園竹結根磐石安枝幹相扶持風雨不可干其實鳳
所食君子思保完恒恐聲影疏蕭條霜露寒金玉慎高節千
載承清歡

詠史

軒后邈已遠漢武亦雄哉荒忽九州外百年過厓埃變化庶
長久臨海築臺黃全糜鏤飾喬林摧斷裁泉通竟先死孫
卿殊未回不知作者意空令來者哀奉盤泣繁露馳道啟奔
雷志氣昔所在風雲恒往來

畫古木

荒郊卧蒼苔蛟龍在其上不知風雨來垂影一千丈後王撥
鐘法江南久寂寞空令没骨畫容易媚中朝

賦蘇伯脩滋溪書堂

滋源恒伏流春兩川乃盈林疇廣敷潤草木俱繁榮臨深見
遊儵仰喬有鳴管君子樂在斯齋居托令名積學抱沉默時
至有攸行抽簡魯史存采詩商頌并禹穴追馬公湘江歌屈
生紉蘭不盈握伐木有餘情浩然欲浮海歸興還濯清方舟

我為相白髮愧垂纓

題薛外史瓊林臺

高臺積方石瓊林樹交柯晨光眩白雪夕景纏紫羅每聞樵子唱恐是仙人過塵世在足下豈能聞笑歌過海祇騎鶴開池還養鵝外史政瀟灑太白鳥足多

送張兵部孟功巡河分題得屋上烏

花發上陽春門開未央曙城柝起群栖流光散朝羽息影須近檐結巢願當戶轉轉金井終日灌嘉樹

題彭澤陶氏家譜

百甓在戶外五柳當門前燕去王謝宅人依墟里煙述德尚千載人情猶昔年以安遺孫子高哉為世賢

道園學古錄卷之一

道園學古錄卷之二

在朝彙二

雍 虞 集 伯生

芝亭永言

古詩七言

賦洛川老人九十

洛川老人年九十須眉如畫身玉立錦袍金帶方烏巾手挽強弓無決拾八月平原秋氣高聞有狡獸依蓬蒿清晨上馬薄暮返累騎毛血懸鞬囊身是前朝將家子生逢大平百無事都將英氣化高年何物小兒堪指使太守上言朝有恩東帛養牛兼上尊洛川老人過百歲擊壤為歌傳子孫

張令鹿門圖

張侯襄陽人深知襄陽樂十年宦事懷襄陽故托豪練寫山郭老我不樂思蜀都人言高陽好隱居三十六峯常對面水

竹田房還可圖欲往不能心慄一忽見新圖被山惱沙禽浦
樹俱可人金澗石床爲誰好向來耆旧皆英雄駕言從之道
焉從弄珠月冷識遊女沉劍潭深知卧龍八月霜晴水清淺
聞道扁舟足廻轉何時古寺傍溪幾處殘碑在江峴呼鷹
臺高秋草多養魚池中蓮芡波四圍高未必不如此我今不遊
奈老何張侯二二蚤結屋莫待史陰爲君卜要看壠上課兒
耕好在魚梁白沙曲

子昂畫馬

憶昔從公侍書殿天閑過目如飛電池邊仍有吮豪人神駿
誰能誇獨擅公今騎鯨隘九州人明空復看驂騑惟應馭氣
可相逐黃竹雪深千萬秋

淇二行

淇二天字玄以黜星白如銀垂近人牛羊散漫草多露大帳

中野傍無隣去年八月羽書急婦女上馬小兒泣今年八月
天子來身厲褰韉月中立

家兄孟脩父輸賦南還

大兄五月來作客八年不見頭總白五人兄弟四人在每憶
中郎淚沾臆我家蜀西忠孝門無田無宅惟書存兄雖筦庫
實父蔭弟竊微祿承君恩文章不如仲氏好叔氏最少今亦
老五郎十歲未知孝嗟我何爲長遠道諸兒讀書俱不多又
不力耕知奈何憂來每得二三友看花把酒臨風哦蜀山嵯
峨歸未得盤二先隴臨川側碧梧翠竹手所移應與青松各
千尺南風吹雪河始冰兄歸烏帽何眾仁明年乞身向
天子共讀父書歌太平

子昂墨竹

吳興畫竹不欲工腕指所至生秋風古來篆籀法已絕止有

木葉雕蝨黃金錯刀交屈鉄大陰作雨山石裂蛟龍起陸
真宰愁雲暗蒼梧泣湘血吳興之竹乃非竹吳興昔年面如
玉波濤浩蕩江海空落月年二照秋屋

商德符畫函篁古木

湘君宮在洞庭湖函篁古木龍所都石壇雨長碧苔蘚水屋
風動青珊瑚老人歌枕看蝶蟻婆娑停舟聽鷓鴣江南蜀道
問來往商公二二今有無

吳郡陸友仁得商王方印其文曰衛青臨川王順
伯定以爲漢物求賦此詩

將軍騎從公主時宣意刻玉爲文章珠襦已隨黃土化此物
還同金鴈翔軍中只識長平侯西風木葉茂陵秋人生卑微
何可忽碌二姓名誰見收

爲達兼善御史題墨竹

蜀道荒涼多古木簷簷千尺相因依小年慣見今白髮杜宇
夜啼愁不歸老可嘗作陵州守古墨蛟龍多入手春雷每怒
破壁去神鼎空令夔魅走丹丘越人不到蜀脩棄何以能縱
橫內府人家爛熳寫使可見之心亦驚江南御史龍頭客暫
別那能不相憶知君深識篆籀文故作寒泉溜崖石

畫鶴

薛公少保昔畫鶴毛羽蕭條向寥廓通泉縣壁又微茫故物
都非况城郭長鳴闊步兒聞暇解寫高情亦奇作田中芝草
日應長石上松花晚猶落赤壁江深孤月小白雲野迥秋霄
薄羣帝相從絳節朝八公許製黃金葉誤嬰塵網跡易迷移
召中洲夢如昨借懸素壁憶真侶忽有微風動林壑碧虛寥
寥積雪高直過蕭臺絕栖泊

題畫

棠梨生竹間牽牛引蔓相因依晨華墜露天水碧斷蘚絡石
爛斑衣鷓鴣踏枝歲將莫蟋蟀在戶人當歸蕭條落墨人間
稀蕭條落墨人間稀

寫庐山圖上

憶昔繫舡桑落洲前五老當船頭風吹雲氣迷谷起霜蘆
楓葉令人愁高人祇在第九疊大白一去三千秋石橋二客
如有待畏茶試泉春岩幽

題旦景初斂司畫

旦公山堂城東南畫圖古檜何耗二城中無山有山癖直藉
豪墨窮幽探旦公彈琴古檜下鬱二窓戶生晴嵐春雨時來
鶴鳴谷秋声夜作龍吟潭 先皇畫坐羣玉府內使趣召飛
雙驂再宏韋偃出中秘管丘北苑開滕緘是時旦公主舒卷
一二文士相交叅旦公歸來坐成想亦頗拈筆爲榭楠伯熙

奉 詔每有作礪何相並將無慚嗟予懷歸亦已久摩挲老
目百不堪山中豈乏真偃寔可容白髮抽朝簪

題柯敬仲畫

予先世居隆州之治之後山石室翁守郡時隆爲陵州之
事簡時來就吾家拾故紙背作茅蘭竹木之屬所得頗多
吾幼時尚收得數紙今亦亡之丹丘生用文法作竹木而
坡石過之近又以新意作墨花甚妙從子悅有眉山字官
之行立爲作此予愛而賦之

昔者老可守陵州守居北山吾故丘大守時來看山雨每畫
紙背成滄洲老浦松煙色過重揮霍陰崖交劍矛百年誰亂
亡故物散篋江南誰復收新圖資簪枝葉脩使我不樂思昔
侯碧雞祠前杜鵑叫玉女井上叢篁出棠梨樹高青子落碧
花翠蔓繁牽牛揚雄無家不歸老蟪蛄蟋蟀寒相求丹丘先

生東海客何以見我空山秋蕭條破黑作清潤殘質刊落精
英留陂陲重複分細草山石縈紆生亂流眉山李官莫厭冷
言歸故鄉非遠遊石田茅屋倘可得萬里欲上東吳舟百花
潭深濯新錦持報以比珊瑚鉤

白翎雀歌

烏桓城下白翎雀雌雄相呼以爲樂平沙無樹托營巢八月
雲深黃草薄君不見旧時飛燕在昭陽沉二宮殿鎖鴛鴦夫
容露冷秋宵永芍藥風隨春晝長

敬仲畫扇

松根伏令如石髓服食令人壽千歲子欲求之觀此圖老身
偃蹇枝扶踈長鋤篝火新雨霽羽人丹丘期不至却剪蒼筤
崖石間吹作龍吟秋滿山

題簡生畫澗松

簡生与我皆蜀人留滯東南凡幾春每拂齊紈作山水使我
感慨懷峨岷如此長身兩松樹滿谷悲風散陰霧雌雄如劍
變爲龍鱗鬣齊成壁崖去秘閣嘗觀韋偃圖蒼澗雄深世所
無默識形神出模畫把筆莽蒼嗟吁王堂室書本同館官
府既分難復見摩挲新墨慰衰朽髮雪飄蕭數開卷昔我樵
牧青城山坐起政在双樹間當時簡生若相見應并寫此所
潺湲刘郎集賢好賓客好著幽窓對晴碧凌靈爲我哦七言
有鶴飛來破秋色

題李受益承旨作東平章萬戶繼志堂後

將軍腰間黃金符父兄功成百戰餘太平不復事弓馬秋雨
高堂閱讀書門有喬松墓有草永言思之願終保幙中賓客
誰厲文東魯儒生國元老

題柯博士畫

磯頭風急潮水長兼葭蒼蒼二繫魚榜青山一鬢是江南白頭
不歸神獨往幽篁繞屋茅覆蒼木葉脫落秋滿簾買魚沽酒
待明月定是黃州蘇子瞻子瞻文章世希有謫向江波動星
斗夜投斷岸發清嘯栖鶻驚飛怒蛟吼圖中風景偶相似欣
然揮洒春雲開子瞻應是念鄉里還化江東孤鶴來

題高彥敬尚書趙子昂承旨共畫一軸爲戶部楊侍郎作

不見湖州三百年高公尚書生古燕西湖醉歸寫古木吳興
爲補幽篁妍國朝名筆誰第一尚書醉後妙無敵老蛟欲起
風雨來星墮天河化爲石趙公自是真天人獨與尚書情最
親高懷古誼兩相得惔淡酬酢皆天真侍郎得此自京國使
我觀之三歎息今人何必非古人淪落文章付陳迹

題溱陽胡氏雪溪卷

去年予與侍御史馬公同被召出居庸未尺東折入馬家
甕望縉山度龍門百折之水登色澤嶺過黑谷至于沙嶺
乃還道中奇峯秀石雜以嘉木香草輦道行其中予二人
按轡徐行相謂頗似越中但非扁舟耳適雨過流潦如奔
泉則亦不甚相遠郭熙畫記言畫山水數百里間必有精
神聚處乃足記散地不足書此曲折有可觀恨不令郭生
見之溱陽胡太祝乃以雪溪自號豈所見與予二人同乎
然潦水未秋冰已堅尋常已不可舟况雪時耶當具溪意
云耳因爲賦詩云

積雪平沙陰山道射虎殘年不知老豈識船如天上坐翠竹
爲帷樹爲葆昔乞鏡湖苦不早白髮如絲照清潦它年此地
若相逢應著漁蓑脫貂帽

題楊友直檢校所藏李營丘枯木圖

老龍出海蒼髯鬚營丘枯木天下無
圓枝屈鐵墮崖雪澗底應拾青珊瑚
明堂清廟要梁棟朔風吹沙澤腹凍
老身不用嘆遲莫按圖來求萬鈞重

題詹圃老梅圖

鄉人共識古梅樹移植詹亭仍百年
計時當生宣政前僻遠幸遺花石舡
昔僑室唐尋故物石樓嵯峨白沙白
陵陽慈竹樂公移根節相扶俱遠客
此樹乃在隣邑間看花食實真足
間人言支離故多壽我意培植茲
惟艱華蓋高人世師表爲爾賦詩
歌窈窕詹家孫子多讀書早晚春
雷化龍矯

酬蕭侯送蒲萄

蕭侯昔致蒲萄苗山童不灌三日焦
死西上品復親致手種窻南自澆水
一月當生一尺長移向江頭薜荔墻
秋深雨足馬乳重牽囊石壓青霞漿
是時蕭侯當走馬來訪袁翁茅屋

下酒酣舞劍傾一尊不信金盤露如瀉

題袁塵騮圖

騮騮食粟石每既立仗歸來汗如洗
脫羈展轉聊自恣落花塵土隨身起
君不見春雷起蟄龍欠伸霧擁雲蒸
九河水

律詩五言

林臯亭

九月天氣肅鶴鳴在林陰使君甚好
客來者總能吟紅樹秋山近黃華之
路深隣翁八九十有酒即相尋

題子昂長江豐嶂圖

昔者長江險能生白髮衣百年經濟
及一日畫圖開借寺依稀在漁舟浩
蕩回蕭條數根樹時有海潮來

挽胡伯恭令尹二首

二十南陵薄才名易氏同千金劍客
散一棹酒舡空生朱絃稱

循吏安輿已病翁神明盡今日嘆惋謾羣公
病起思歸日齋居卧治時抱孫方在膝反席遽如遺江路牽
愁遠坊門望到遲清冷賢弟哭未忍老親知

題雪谷曉行圖

踏雪度嶙峋霜髯跨玉麟前踏那有際後至豈無人松樹紛
紛老松花的二春金烏海底出遍界爛如銀

送先隴二隣僧還吳二首

蘭若背山陰松筠夾迳深門間容虎卧湖近听龍吟雨過泉
添澗風飄磬出林衲衣皆旧識一一謝幽岑

東嶺憶招提幽尋日未西過山隨虎跡倚石待猿啼雲外催
歸錫松間覓旧題下隣吾欲老母惜伴扶藜

節婦王夫人刘氏

憶昔中丞在清淳古道存節高賢女弟文托外諸孫慈竹宜

家慶桓楹表国恩燕秦鬱相望美俗繫人門

次韻阿榮存初參議秋夜見寄

寓館城門夕高秋雨露開天垂華蓋近月轉紫垣來疏關思
良會淹留到不才深期謝安石揮塵散風埃

雪谷早行

積雪擁柴門行人稍出村溪頭或遇虎木末不聞猿接棧廻
山閣支橋就樹根駝車上重坂回首見朝暾

雪岩樓觀

高閣丹青起中天紫翠分窻當大白雪門俯九疑雲伐木山
人去吹簫帝子聞塵中歸未得春思轉紛二

送人之劍閣倅

往年登劍閣快馬著春衫設險懷前賦磨崖覓舊劍鄉人遊
雪界郡倅試冰銜歸道觀新政春江不掛帆

寄子山尚書

竹色侵衣碧重簾
雨氣深白鵝翻墨
沼紫燕入書林北海春
尊側西山夕
門陰東曹公事少
歌舞散黃金

漫思

雨閣添衣潤風簾
隱几高白頭更事少
病日向書勞南客傳
音信東家問酒醪
江邊茅屋破歸楫
若為據

送張尚德

史館薦張尚德為檢閱官
朝廷以為宜稱可其請未奏也
有司以闕簿注新進士尚德頗有聞即歛裳宵逝噫進退
若是可以信史館之薦人矣予力雖不足以留之亦終不
敢失之也故作是詩以餞之

六月初聞雨官河潦水生江南歸宋玉纓下謝荀卿鵬鷲青
霄迥兼葭白露盈都留詩興在來聽上林鶯

寄丁卯進士陸都刺天錫

江上新詩好亦知
公事閒投壺深竹裏
繫馬古松間
夜月多臨海
秋風或在山
玉堂蕭爽地
思尔佩珊瑚

送趙繼清令尹之官安陸

雲夢開七澤陪年貫
巫山為政煙塵表
吟詩松竹間
故人總華要
令尹獨清閑
文章偏宜老
母愁鬢髮斑

主後樂圖

新度霓裳曲三年
教得成驚鴻渾不下
飛燕若為輕
芍藥春亭莫
夫容野水生
黎園多白髮
吹笛到天明

送長沙守

白髮長沙守循良
又好文近辭金馬
去遠有玉魚分對
竹聽湘雨開
簾看嶽雲漢
廷思賈誼一飯
莫忘君

送趙編脩祀西嶽江瀆

西道祠官去東風入柳斜
陰已歸鴈江水正飛花
歲事閒宜穀鄉人喜過家
老來思故里欲寄使君車

代衆仲作

昔在泉州任將軍每見招春雲
山對屋夜雨水平橋池鴨穿
荷葉溪魚上柳條禁城鐘鼓起
車馬晚蕭蕭

題宋雲奉大常臨汾二節婦序後

許氏姪從姑相承患難餘自傷
還自擔同志復同居白髮冰
霜共丹心鐵石如有關名教
重珍重大常書

送王照磨之官雲南

遺朝珠浦歸舟楚道溪飛鷲
愁暮雨走馬畏山泥官署尊
舟驚祠官勝碧鷄題詩遠相送
紅日五雲西

玉堂燕集圖

朝廷多暇日別館又青春
薄醉猶催酒清歌況有人
玉堂金

硯匣翠袖白綸巾老去無賴
憑誰爲寫真

寄荅桂風子先生

深隱廬山裏題詩忽見存
風高應跨虎月落更聽猿
酒熟邀皆去丹成笑不言
雲笈第六疊相與浴晨暎

寄莆田先生

懸榻塵生席深居書下帷
齊眉安饋食擁髻近歌詩
藥裹須鍾乳書題憶荔枝
白頭吟更苦何必蜀人思

鄭谷圖

道士徐太虛生紙畫山居
林壑春煙裏桑麻夜雨餘
過橋九節杖連屋一床書
似是子真谷歸耕三月初

畫檜

茅山多古樹此檜更長生
鸞鶴棲來穩蛟龍化得成
雲深還近戶月落似聞笙
千載如相見蒼然故舊情

李負嶠墨竹

河東李學士隨意放洋州月落亭陰迥雲生谷口函江濤空
渺筆墨更悠悠瀟灑西清地令人憶旧遊

為歐陽少監題宋好古竹

幕中能寫竹作此雨瀟湘出石根還瘦臨溪影更長班之
子五一一鳳雛將日有長安使平安問老蒼

贈楊友直

維揚楊友直字擬漢中郎畫若錐穿石垂如雨滿墻舞花臺
女美醉草笑僧狂昨日鴻都李煩君寫數行

題朱邨竹木

江上復春雨曾陰覆碧波石高龍影卧林迥鶴聲過解佩倚
蘭浦揚冷落木坡佳人翠袖薄日暮欲如何

寄阿嘗輩學士

問訊東泉老江南又五年涼風鳴步稊明月棹歌船陪講長
懷旧還朝獨後賢治平一二策蚤晚玉階前

赤壁圖

過鶴生新夢携魚憶舊遊清霜凋木葉落月湧江流隱者時
堪訪良田亦易求如何玉堂夜白髮不勝愁

題况有吾縣令贈行卷

縣庭都禁謁抵許見諸生接壤皆具率遊民亦願耕絃歌居
室迴山水畫圖清千載雲巖石能留令尹名

送朱萬初之廣東照磨

聖主多清暇臨池愛日長天章垂鳳彩雲氣動龍香進諫慚
簪筆爭書敢近床承恩君家蚤服玉向炎方

八月八日有感題視草堂壁

載筆趨芸閣探囊索緼袍坐銷秋日淨心折夜風高識字頭

先白謀生計轉勞文園多病渴常想賜蒲萄

賦程氏竹雨山房二首

春雨過山竹出泉繞舍鳴燕泥書帙晚魚浪釣絲晴奉席從
孫子連床總弟兄旧聞林下叟讀易到天明
遊子聞春雨思親望故園竹間開几席花底注山尊索世書
連屋頻年稻滿村卜鄰溥朴地絕李欲重論

戲作試問堂前石五首

試問堂前石來今幾十年衰顏空雨雪幽致自風煙微醉寒
堪倚孤吟靜更眠旧湖春水長誰繫釣魚船
爲問堂前石何年别大湖春風神不王夜月影長孤不中明
堂柱空遺長嶽圖頗思嘉種木歲晚與相扶
爲問堂前石何无藤蔓纏金蓮疑可致紫菊若爲妍旧夢遺
波浪間情閱歲年祗緣相識久親爲濯清泉

石父入滄海女媧曾補天乾坤遺最外霧雨護蒼然
隨化亦如虎自全昔賢多賦此誰賦取流傳
爲問堂前石巽逢堂上人遠來嗟最久獨立與誰隣運載勞
車馬摩挲識鳳麟空車書吉日追琢到嶙峋

石谷五首

幸自隣頑鄙母頑罔歲年當寒金作劬向暖玉生煙眉黛無
歸意毛羣有叱眼凉州三百斛亦未耐航船
昔觀一柱觀还度幾重湖雪尽身还瘦雲生勢不孤研穿新
臺瓦賦就草堂圖芝閣玄雲在危踪敢藉扶
牛角何堪斫蝸涎謾自纏沉冥辟邪占羞澁望夫妍神物須
清鑒灵根属小年金輿曾共侍千載憶甘泉
轉徙寧論地存留亦信天露盤危欲折劫火不同然維下殘
經断岐陽數鼓全向无文字托寂寞竟誰傳

去歲留詩別嗟哉白髮人冠依子夏制裝居切左丘隣執籥充
振鷺脩辭綴獲麟終須愁坎壈勿用訕胡麟响

送魯子翬廉使之漢中

封上頌臺礼輕車入漢中節毛吹渭雨木葉動秦風把酒臺
基古馳書歲事豐朝回倚西閣日日數歸鴻

立春夜試墨

輕雪作春花飛來入髮斜紫貂迎曉風粉絳蠟炫晴霞書詔頒
趨閣思歸即借車幾時將稚子隨意踏江沙

蜀人曲江之官贈以墨竹

粘筆寫琅玕清風入室寒蜀山空偃蹇延海郡更盤桓雲霧瓊
簫遠冰霜玉節完莫忘鄉里意持向曲江看

正月十一日朝回即事

宮樹春陰合霓旌拂曙來天光臨閣道雲氣轉蓬萊晝漏沉

沉鼓晨尊醴二不血香霏簾底霧樂殷殷前雷祥瑞儀前奏珎
淳尚食催舞庭分鷺序效獻過龍媒融雪微生草輕風不動
埃老人南極至王母上方回玉色何多喜金華得重陪裁詩
賀新雨西閣待門開

贈別兵部崔郎中整還高麗即回中朝

束髮來東海從軍護北門珠光連旭景玉氣達春溫淵靜龍
含德門嚴虎列屯從容參帳慨慷偶縶韉拜表推黎獻趨
朝謁至尊雲依温室樹星入紫微垣不道璫璫貴仍嬰筦庫
煩利行雖近市義守不窺園眷遇忘身得危難欲手接懷邦
維父母於國實甥婚 還羈勒原二致璧殮魯連名竟重
箕子教應存簡在從當日扶持 宿藩清宮風肅二駭乘火
焯二帝所為郎重王家報礼焯暫伸桑梓敬未愛李桃繁神
闕秋期蚤康侯晝錫番九成思閣鳳六月待冥鷗

次勻錫軒司徒足成旦公所藏

英宗御題之句元題曰日光照吾民月色清我心
又題琴曰至治之音

化国多長日高人侍紫宸觀書從上相屬筆念生民雲漢文
章備風雷號令新惟應青簡在能載口風淳御翰龍池曉緒
經驚殿陰雲依清靜葉月印妙明心千載堂一去諸天肅二
臨朱絃誰為鼓至治有遺音

次勻李侍讀東平王哀詩

宇宙生奇變明良陷逆圖傳聞昏白晝暴憤結全區治極機
潛否恩深事失誤犯車仍斷軛壞戶音九傷樞臆魅嫌明鏡強
梁忌雅模甘心成首禍藉口肆羣孽腹心危衝决憑陵善唯
俞自天倏鈇鉞累月具輦壺裹革疑亡地招魂競出都笳鳴
殘夕月馬債四交衢所痛倉皇際將元古昔殊腹心何盡蝕

肘腋不支梧列位多翹楚干城總豹貙詎言歸厄數不復頌
貞符天討公無赦皇心愛不姑報讎論旋筭錫爵酌嗚呼相
業今如在民生寔少痛誰能飛璧玉唯有泣瓊珠執簡書羣
盜當閔欠一夫馳奔嗟薄日沐浴止中途决去思投闕違之
或汎湖危知无復死恨不奮前誅春兩炬免滌朝陽瘋思蘇
謳吟申感慨述作惧荒蕪芒忽思離散煮蒿起苑枯神還高
岳峻氣直斗杓孤陟降先皇側回翔造化徒英靈常會合瞻
想豈虛無

慶史顯肅治書父八十

治世尊三壽高年見八朝羽儀參漢皓神觀邁周喬柱下声
名遠壺中日月饒微醅霞灼二新沐雪蕭二地厚原初峻天
全玉不瑀一經傳今子貳憲肅羣僚侃二称時望英二樹國
標繡衣兼綵服白日上青霄上壽歸榮異推恩錫爵超紫深

宗伯橐金重列侯腰環膳應恒從安車必見招乞言逾葉石
報德稱瓊瑤千歲庭來鳳羣工韻合韶陳詩方懿頌擊壤比
康謠

送国王朶而只之遼東

大祖收中夏元臣有武功建邦開土宇爲位冠君公奕世王
章在諸孫相業隆春秋周正月礼樂營新宮鹿幣金遺耐熊
侯筭失中河山仍鉄契宝玉右琯弓投筆鄒枚秀揚於芮綰
雄塞雲依碣石凍雨洒遼東戎器橐藏及賢書奏納同大夫
勞替御惇史采民風

送陳碩

莆田陳氏慶曆名法從故家也自衆仲來京師集得友焉
凡問李脩己之事有益於愚陋多矣又從知其父兄之賢
也問所自出則南塘趙氏信乎其亨之有傳矣嘗以其從

子頤來見予愛其端謹可望南歸省父衆仲送之以文予
不能忘也乃賦詩曰

六歲過閩郡書聲憶滿城目盲今予夏心醉昔延平尔叔同
游息吾文愧老成每分重席暖相對一燈明遠海乘桴意高
山伐木情願携筠杖往看離支生辟塚青衫旧趨庭綵服
輕爲言穿木榻亦未厭藜羹寶瑟留飛雁蘭舟及轉鸞佩懷
湘渚贈綬向會稽迎去去江雲濕飄二島霧清重來知有意
時我已歸耕

奎章閣有灵璧石奇絕名世御書其上曰奎章玄
玉有勅命臣集賦詩臣再拜稽首而獻詩曰

禹貢及浮磬堯階望喬雲自天承雨露按地起細緼擊拊磬
音合儀從玉兆分巨鼇二島力威鳳九苞文辨位資乾坎爲
山墳幅員固知貝宝藏不假運神斤書帙侵春潤香爐借宿

薰烟光晴母二波影畫云二融結錄元化登崇荷聖君瑞於
龜出洛重若鼎來汾柱立尊皇
因頌獻前聞

送南宮舍人趙子期宣 詔交趾

三年頌正朔五月向南交將命方離關陪臣已在郊衣裳鴻
羽漸干戚虎皮包瘡痍衝垣散瀝湍急兩指朱鳥窺土室白
雉下槽巢夜浦蛟停織陽用荔折苞初筵紛豔麗後騎器加
鏡諷日脩王貢兼時眠客短方言書以理海錯藉青茅漢柱
蒼侵篆秦林柱拂旃括囊無意故當戶有蟪蛄即見還英節
毋煩筮繇交

道園學古錄卷之二

